

## Memperkenalkan Negara-negara Islam:

Setelah kita memperkenalkan negara-negara Kuwait, Iraq, dan Mesir (Republik Arab Bersatu) di dalam siri

Memperkenalkan Negara-negara Islam, maka mulai dari bilangan ini kita perkenalkan pula kepada para pembaca yang budiman

sejarah sebuah lagi negara Islam yang maju dan *modern* di Timur Tengah – yaitu Lubnan – Pengarang.

# Sejarah Lubnan

### Keterangan-keterangan

**Duduknya:** Di utara semenanjung Tanah

Arab di pantai Timur Laut Tengah.

**Luasnya:** 4,015 batu persegi.

**Jumlah penduduknya:** 1,646,000  
(Islam 57%).

**Bandar-bandar Besar** (dengan bilangan penduduk):

**Beirut** (Ibu kota) 400,000;

**Tripoli** 115,000.

**Matawang:** Pound Lubnan, dibahagi kepada 100 Piaster.

**Penukaran:** £1 sterling = £8.50 Lubnan \$1 = £2.90 Lubnan.

**Bahasa:** Arab, Perancis dan Inggeris.

### Eksport dan import:

Eksport 422.4 juta Pound Lubnan.

Import 1,075 juta Pound Lubnan.

(1961).

**Eksport utama:** Buah-buahan, kulit, bersamak, simen.

**Pengeluaran pertanian:** Gandum,

beras Belanda, limau, anggur, epal, zaitun, pisang, tomato, anjir, *abricus*, pelam, ubi kentang, bawang dan tembakau.

Pengeluaran hutan: Kayu Arāz.

**Bahan-bahan galian:** Besi, *leganite*, bitumen.

Pendapat seseorang (hitung panjang): 805 Pound Lubnan.

**Bendera:** Dua jalur merah dengan jalur putih di antaranya, dua kali ganda lebarnya daripada jalur merah itu. Di tengah-tengah pokok Arāz berwarna hijau dan coklat muda.

**Keanggotaan Bangsa-bangsa Bersatu:** 24

hari bulan Oktober 1945. (Anggota asal).

### Ilmu Alam

**Duduknya:** Lubnan disempadani di Timur dan Utara oleh Syria, di Barat oleh Laut Tengah dan di selatan oleh Palestin. Luasnya ialah 4,015 batu persegi; panjangnya kira-kira 135 batu dan lebarnya daripada 25 hingga 50 batu.

**Keadaan bumi:** Di daerah pantai

tanahnya rata, kemudian tanahnya meninggi curam ke bukit-bukit. Kemuncak yang paling tinggi ialah Qurnat al-Sawdā', lebih sedikit daripada 10,000 kaki, terletak di tenggara Tripoli. Gunung XXX, di Timur Laut Beirut, ialah lebih daripada 9.000 kaki tingginya. Beberapa batu ke timur kemuncak-kemuncak itu terdapat cenderung membawa ke lembah luas yang dinamakan Beqaa, kira-kira 15 batu lebar dan 70 batu panjang.

Bahagian sebelah timur Beqaa dibatasi oleh gunung-gunung Anti Lubnan, yang setinggi 9,000 kaki, dan lanjutannya ke selatan, Banjaran Hermon, lebih kurang sama tingginya. Sungguhpun dasar lembah itu jauh lebih rendah daripada banjaran-banjaran gunung di sekitarnya tetapi di beberapa tempat dasar lembah itu 3,000 kaki lebih tinggi daripada paras laut. Dua batang sungai berpunca di Beqaa – Sungai Orontes, yang mengalir ke selatan, dan kemudiannya berhampiran dengan sempadan Palestin, tiba-tiba membelok ke barat dan mengikut gaung yang dalam

### \*Sejarah Lubnan\*

gunung Lubnan, mengalir ke dalam Laut Tengah.

**Iklim:** Oleh kerana panas bumiinya ada yang tinggi dan ada yang rendah disebabkan oleh banjaran-banjaran gunung yang melintangi angin barat, maka keadaan-keadaan iklim di negeri itu adalah sangat berbeza-beza. Daerah di pantai tidak begitu sejuk di musim sejuk dan tidak terlalu panas, dan udaranya sangat lembab, di musim panas.

Di kawasan yang berbukit bukau lima atau sepuluh batu daripada pantai, terdapat salji di musim sejuk dan kemuncak-kemuncak yang tinggi selalu diselimuti oleh salji daripada bulan Disember hingga Mei. Pemandangan kemuncak gunung yang diselimuti oleh salji, yang luar biasa di Timur Tengah, telah memberikan kepada negara itu nama Lubnan; “*Laban* dalam bahasa Arab bermakna ‘susu’. Lembah Beqaa mempunyai musim sejuk yang sederhana dengan sedikit-sedikit salji, dan musim panas yang amat panas, kerana ia terlindung daripada udara dingin dari laut. Sukatan hujan ialah 30 dan 40 inci di daerah yang berhampiran dengan laut, hingga 50 inci di daerah yang bergunung-ganang dan 15 hingga 20 inci di Beqaa. Boleh dikatakan semua daripada hujan itu didapati di antara bukan Oktober dengan Mei.

Penduduk Lubnan pada tahun 1960

dalam tahun 1960, menurut

tafsiran Bangsa-bangsa Bersatu, ialah 1,646,000. Ini termasuk 127,361 orang pelarian dari Palestin. Suatu banci telah diselenggarakan dalam tahun 1946. Tiada banci yang mengandungi keterangan-keterangan yang mencukupi telah diselenggarakan sejak itu. Orang-orang Islam berjumlah 57% daripada penduduk-penduduk; yang lainnya ialah Kristian. Bahasa Arab ialah bahasa rasmi dan bahasa yang lain digunakan oleh sekalian rakyatnya, tetapi ramai orang yang mengerti bahasa Inggeris dan Perancis.


### Sejarah

#### Zaman dahulu:

Di daerah pantai Lubnan lahir peradaban Kaum Phonecia hidup subur di zaman dahulu.

Bandar-bandar besar mereka ialah Byblos,

Sidon dan Tyre. Kira-kira pada tahun 800 Sebelum Masihi, kaum Phonecia membuka jajahan-jajahan kecil darat Laut Tengah; yang termasyhur sekali ialah Carthage. Phonecia di Lubnan telah ditawan oleh kaum Assyria dari Iraq dalam tahun 701 Sebelum Masihi tetapi Tyre terus menerus merdeka hingga zaman Alexander The Great. Di bawah Silusia, Phonecia menjadi sebahagian daripada Syria. Kemudiannya Pompei menubuhkan wailayah Roman yang terdiri dari Syria termasuk Phonecia; dan Beiritus (sekarang Beirut) menjadi tapak sekolah undang-undang Roman yang masyhur. Di zaman dahulu Lubnan adalah terkenal kerana kayu Cemaranya dan Arāznya. Bijih besi dan tembaga merah pun di dapati di negeri itu dalam zaman



Lapangan terbang antarabangsa di Beirut, sebuah lapangan terbang yang *modern*

dan indah di Timur Tengah.


#### \* Sejarah Lubnan\*

Ptolemi dan Romawi. Kawasan di gunung-gunung itu kemudiannya diduduki oleh ramai orang-orang Kristian dan menjadi tempat berlindung bagi kaum-kaum yang tertindas.

**Zaman Islam:** Dalam kurun ketujuh, Syria, termasuk Lubnan, menjadi sebahagian daripada jajahan yang diperintah oleh Khalifah Islam dan orang-orang Kristian di negeri-negeri itu diberikan kebebasan agama yang penuh. Tetapi Islam dan bahasa Arab beransur-ansur menembusi negeri itu. Dengan cepatnya bahasa Arab menjadi bahasa negeri itu dan Islam menjadi agama kebanyakan penduduk-penduduknya, sungguhpun suatu kaum Kristian terus-menerus tinggal di situ. Negeri itu diperintah oleh berbagai-bagi Amir di bawah Khalifah Umayyah

dan ‘Abbāsiyyah dan kemudiannya oleh Mamlūk. Apabila Turki Uthmāniyyah menewaskan negeri itu pada tahun 1516 di bawah Sultan Selim yang Pertama, amir-amir Lubnan telah diberi kelebihan-kelebihan seperti sediakala sungguhpun ada gabenor Turki di Tripoli, Sidon dan Damsyik. Dalam kurun keenam belas Banī Asif, dan kemudiannya Banī Saifā, telah mencapai kebesaran di daerah dari Beirut ke utara Tripoli, dan di selatan pula keluarga Ma‘an telah memperoleh kuasa. Kaum Uthāniyyah<sup>1</sup> di bawah Sultan Selim yang pertama menakluki negeri itu dalam tahun 1516-17 dan mengesahkan kelebihan-kelebihan yang ada pada amir-amir di Lubnan. Kuasa keluarga Ma‘an telah tiba kepada mercunya manakala Fakhar al-Dīn yang Kedua (1586-1635) mencuba mencapai kuasa penuh bagi seluruh Lubnan dan sebahagian daripada Palestin di selatan. Pada tahun 1632 Sultan Murad

yang Keempat mengambil kuasa di Constantinopel dan menghantarkan suatu angkatan yang dibantu oleh tentera laut ke Lubnan, akibatnya ialah Lubnan kehilangan kuasa sebagai sebuah negara yang merdeka. Pada tahun 1697, pemerintahan keluarga Ma‘an telah berakhir dan mereka diganti oleh keluarga Shahāb yang kekal kebesarannya hingga tahun 1840 manakala Turki Uthmāniyyah mengambil kuasa di negeri itu dengan melantik dua *Qā’imqamā*, seorang daripadanya Kristian dari kaum Mārwan dan seorang lagi Islam kaum Darwīsh. Disebabkan oleh perasaan tidak puas hati berkenaan dengan perkara-perkara kemasyarakatan dan ekonomi, akibat kemusnahan beransur-ansur sistem feudal yang telah wujud sejak lama dahulu, maka rakyat miskin di kalangan Mārwan memberontak dalam tahun 1858 dan menghapuskan kelebihan-kelebihan orang-orang bangsawan kaum Mārwan dan dengan itu membuka jalan untuk menuju suatu sistem memilik kebun-kebun kecil dengan bebas. Orang-orang bangsawan Darwīsh, kerana takut kalau-kalau rakyat miskin Mārwan dikalangan mereka akan berasa tidak puas hati juga, melancarkan beberapa serangan ke atas kaum Mārwan di Lubnan Utara, yang mana oleh kerana adanya perselisihan-perselisihan di antara mereka sendiri, rakyat miskin Mārwan tiada dapat melawan secara berkesan. Sikap lemah gabenor-gabenor bangsa Turki dalam memperkuatkuasakan undang-undang telah menyebabkan Perancis masuk campur dalam hal itu dan dalam tahun



Suatu pemandangan yang indah permai di Beirut – ibu kota negeri Lubnan

– yang menarik minat para pelancong mengunjunginya.

<sup>1</sup> Perkataan sebenarnya ialah Uthmāniyyah

### \*Sejarah Lubnan\*

1865 gunung Lubnan menjadi wilayah yang berkuasa sendiri di bawah seorang gabenor Kristian yang bukan bangsa Lubnan, yang dilantik oleh Sultan Turki dan diperkenalkan oleh kuasa-kuasa besar, wilayah ini tidak termasuk Tripoli, Sidon, Tyre dan Beirut, yaitu kawasan di pantai.

### Perang Dunia yang Pertama dan

**Sesudahnya:** Apabila Turki menyertai Perang tahun 1914-18, daerah-daerah di pantai Lubnan telah diduduki oleh askar-askar Brsitish dan Perancis dalam tahun 1918 persidangan San Remo dalam tahun 1920, Perancis berkuasa di seluruh Syria termasuk Lubnan. Dalam bulan September 1920 menubuhkan Negara


Greater Lubnan yang termasuk bukan sahaja wilayah yang dahulunya berkuasa sendiri tetapi juga Tripoli, Sidon, Tyre dan Beirut yang di zaman dahulu dikuasai oleh amir-amir Lubnan. Sebuah perlembagaan telah disusun dalam tahun 1926 yang kemudiannya didapati tidak dapat dilaksanakan dan digantungkan pada tahun 1932. Sejak itu President Republik itu menjalankan pertadbiran ia adalah seorang Kristian sedangkan Perdana Menterinya seorang Islam. Kedua-duanya berusaha untuk mencapai

perseimbangan di antara kaum-kaum dari

berbagai-bagai agama di negeri baharu itu. Suatu perjanjian telah dibuat di antara Perancis dengan Lubnan dalam tahun 1936 dengan mana Perancis terus-menerus mempunyai kuasa-kuasa ketenteraan yang luas di Lubnan. Suatu perlembagaan baharu telah diisyiharkan dalam tahun 1937, tetapi Perancis enggan mengesahkan perjanjian pada tahun 1938 dan Perang Kedua<sup>2</sup> yang Kedua telah berlaku; ini menyebabkan segala-galanya terhenti. Dalam bulan November, 1941 Ketua Tentera Perancis, Jeneral Catroux, mengisyiharkan Lubnan sebagai sebuah negeri yang merdeka dan berdaulat. Dalam bulan September 1943 Parlimen baharu bertelingkah dengan pihak yang berkuasa Perancis mengenai pemindahan perkhidmatan-perkhidmatan pertadbiran. Perancis menangkap *President* dan

mengantung perlembagaan yang mana menimbulkan pertentangan yang hebat. Negeri-negeri Arab, berserta dengan Amerika dan Britain, menyokong tuntutan-tuntutan rakyat Lubnan. Dalam musim panas pada tahun 1944, Rusia mengikiktirafkan kemerdekaan, Lubnan dan Syria, sungguhpun negeri-negeri itu masih di bawah kawalan Perancis. Dalam tahun 1944 Perancis mula memindahkan kepada pengawalan Lubnan semua perkhidmatan-perkhidmatan awam yang penting dan dalam tahun 1946 Lubnan menerima kemerdekaan penuh dan semua askar-askar Perancis ditarik balik; sebuah kerajaan yang berperlembagaan dibentuk dengan syarat bahawa *President* Republik itu mestilah orang Kristian dan Perdana Menteri mestilah orang Islam.

(Bersambung)



Medan "al-Najmah" dan bangunan *Parliament* di Beirut.

<sup>2</sup> Perkataan sebenarnya adalah Dunia.